

人之生也柔弱其死也堅強草木之生也柔脆其死也枯槁故  
堅強者死之徒柔弱生之徒是以兵強則不勝木強則共故  
堅強居下柔弱居上

人之生也血脈周身和氣充足故筋柔肉軟及其死也血枯  
脈散和氣離形故肢體堅強草木之生也生氣全津液盛故  
柔脆及其凋也生氣散津液乾故枯槁以人物之生推之於  
理則堅強者爲死之徒柔弱者生之徒也譬如用兵恃強必  
敗木強必折理必然也故知堅強者和氣散則死宜其居下  
柔弱者和氣全則生故爲上也由是知之剛強爲喪身之本  
柔弱是養生之要嘆人生胡得而剛強也哉

道藏輯要

道德下經釋辭

卷

心集九

天之道章第七十七

天之道其猶張弓乎高者抑之下者舉之有餘者損之不足者  
與之天之道損有餘而補不足人之道則不然損不足以奉有  
餘能以有餘奉天下唯有道者是以聖人爲而不恃功成而不  
處不欲見賢

經云天道減盈滿補虛空毀強盛益衰弱損思慮歸童蒙聖  
人之中也譬如張弓待物必因其高下而損益之高者抑之  
下者舉之則無不中其度蓋其出之於自然故其用與天道  
同也天之道損有餘而補不足虛則居之實則去之謙必益  
之滿必損之缺必圓之盈必虧之善必福之淫必禍之有餘

者損之不足補之皆自然而然也人之道則不然損不足以奉有餘損下以奉上損人以利己蓋其出之於私意而失天之道也是以有道之士苦己以利人曲己以全物捨生以取義博施以濟眾用天下之利而不私其利安天下之民而不恃其能成天下之事而不處其功不求人以知其賢德與天通聖人之道也

天下柔弱章第七十八

天下柔弱莫過於水而攻堅強者莫之能勝其無以易之柔勝剛弱勝強天下莫能知莫能行是以聖人言受國之垢能爲社稷主受國之不祥能爲天下王正言若反

道藏輯要

道德下經釋辭

堯

心集九  
人曰入

天下之至柔至弱而能攻天下之至堅至強天下之至堅至強反不能勝天下之至柔至弱譬水至柔也雖涯石之堅能滴而川之山陵至強也能蕩而摧之故知柔弱勝剛強天下古今不易之論也由是知之柔能勝剛弱能勝強而人非不知非不行也但人好自大而不肯謙下好富貴而不安貧賤好強梁而不能柔弱蓋其未能真知是以莫能行也聖人言曰受垢不以辱受屈不求伸則德量寬宏寔能容眾故天下推尊之而爲社稷主也臨難不苟免受國之不祥一人之饑我之過也一人有罪我陷之也引咎歸己故爲天下王也此皆聖人大公中正之道好高自大者挾私而不能行反以